

CHINESE - JAPANESE LIBRARY U
HARVARD - YENCHING INSTITUTE
AT HARVARD UNIVERSITY
JUN 22 1953

T2555/4165.3(1)


帝紀一二三

光武上下

明帝

後漢書一

卷二十一



本朝三代實錄

清和陽成光孝三代菅公所撰

曰承和十年春澄

善繩於大學講范曄後漢書其後此書

之傳承絕而本書得見於朝鮮以可為奇

跡矣本書之版係明萬曆四十七年則本朝元和五年也

抑皇國流布後漢書德川之初鴉飼真昌據

元大德本施訓發行於京都

宋真宗元年後漢書刊行

大正十四年春



後漢書批評序



哈佛大學漢和圖書館珍藏印



余向讀諸史徃徃多丹鉛之以志所研味後漢書其一也因憶前賢好此書者上躋于史記漢書尊之為三史額門治之國志

PRINTED IN JAPAN
SUPPLIED BY
JAPAN PUBLICATIONS TRADING Co., LTD
TOKYO JAPAN
日本出版貿易株式会社

後漢書抄言 月
以下毋敢望焉唐人至立科以
求士若是而蔚宗遂可與馬班
埒乎哉范在獄中與人書謂此
書方諸班書博瞻可不及之整
理差不愧也又謂體大思精不

減過秦論又謂四夷以下諸論
筆勢縱放實天下之奇作又謂
贊辭殆無一字虛設其高自矜
詡如此似非爲目睫之論者然
以余讀而評之人巧已羸天機

後漢書抄言
未快篇篇組紉字字鑪錘雖極
鏗訇終窘邊幅視孟堅之并包
陸海滿地膏腴子長之謔浪九
天隨風珠玉者微獨廣狹之異
規亦且天人之殊界矣獨其華

實相副頗號彬彬淘汰羣言亦
爲爾雅故去陳壽之拘而存其
質無沈約之靡而有其文馬班
之後有能與之聯鑣其轡者蓋
寡進而尊爲三史意者有在于

後漢書批語
斯乎余批評時時及之每因諷
咏以自娛快友人沈不疑博雅
士也見而絕好以爲能窺作者
之旨請板行以公炙耆余祕之
不得遂舉而授焉因志其崖略

如此若書中多古字多借字多
通用字抑或多譌字闕字羨字
劉攽刊誤中具載之茲未遑一
一注出在讀者意會之而已

萬曆己未秋日江寧顧起元書

後漢書批評例
于遯園之嬾真草堂



後漢書批評例

一書中有志三十卷乃梁剡令劉昭所補非蔚宗之手筆也故略而不錄原帝后紀一十二卷列傳八十八卷今一仍其序次共得百卷云



一列傳首有題總數人而爲列傳第幾者以下本傳前則不必更書姓名今監本于本傳前又加姓名聞古本不爾今姑因之未遑削也數人合傳自有意義非漫爾牽附已爲一一標出矣
一書中用字有不同而可疑處如光武紀寇盜鋒

起注言賊鋒銳競起也而西羌傳論又言羣種蜂起則言如蜂之羣起與此字義異矣有譌字如光武紀初致青巾左校尉官又復致屯騎長水射聲三校尉官又復致函谷關都尉三致字皆當作置又有羨字如罷郡國都尉官衍國字又有闕字如行某官事當有事字而多云行某官少事字又有字義未足者如光武紀出自景帝生長沙定王發生字宜作子字其義乃盡如此之類不可勝紀讀者徃徃以意改之似非傳

疑之義

一武進唐先生歸安茅先生批評史記漢書其圈點抹截皆有一定之法不佞儻焉不能一一按法爲之但據讀時意思所到隨手丹鉛而已兼復謄寫之時乖異原本者間多有之不能一一釐正要之因指見月但取得其大意此固不足據爲定法也

范氏後漢書批評目録

第一卷

帝紀第一上

光武上秀

第二卷

帝紀第一下

光武下

第三卷

帝紀第二

後漢書批評目録
卷一
帝紀第一上
光武上
秀
卷二
帝紀第一下
光武下
卷三
帝紀第二

明帝 莊

第四卷

帝紀第三

章帝 烜

第五卷

帝紀第四

和帝 肇

殤帝 隆

第六卷

帝紀第五

安帝 祐

第七卷

帝紀第六

順帝 保

冲帝 炳

質帝 續

第八卷

帝紀第七

桓帝 志

第九卷

帝紀第八

靈帝 宏

第十卷

帝紀第九

獻帝 協

第十一卷

皇后紀第十上

光武郭皇后

光烈陰皇后

明德馬皇后

章德竇皇后

和帝陰皇后

和熹鄧皇后

第十二卷

皇后紀第十下

安思閻皇后

順烈梁皇后

孝崇匱皇后

懿獻梁皇后

桓帝鄧皇后

桓思竇皇后

孝仁董皇后

孝靈宋皇后

靈思何皇后

獻帝伏皇后

獻穆曹皇后

第十三卷

列傳第一

劉玄

劉盆子

第十四卷

列傳第二

王昌

劉永

張步

李憲

彭寵

盧芳

第十五卷

列傳第三

隗囂

公孫述

第十六卷

列傳第四

宗室四王三侯

齊武王

續子北海
靜王興

趙孝王

良

城陽恭王

祉

泗水王

歙

安成孝侯

賜

成武孝侯

順

順陽懷侯嘉

第十七卷

列傳第五

李通

王常

鄧晨

來歙曾孫歷

第十八卷

列傳第六

鄧禹

子訓 孫騰

寇恂曾孫榮

第十九卷

五

列傳第七

馮異

岑彭

賈復

第二十卷

列傳第八

吳漢

陳俊

蓋延

臧宮

第二十一卷

列傳第九

耿弇

弟國 國子秉

秉弟夔

第二十二卷

列傳第十

姚期

王霸

祭遵

從弟彤

第二十三卷

列傳第十一卷

任光

子隗

李忠

萬脩

邳彤

劉植

耿純

第二十四卷

列傳第十二

朱祐

景丹

王梁

杜茂

馬成

劉隆

傅俊

堅鐔

馬武

第二十五卷

列傳第十三

竇融 弟子固 曾孫憲 玄孫章

第二十六卷

列傳第十四

馬援 子廖 子防 兄子嚴 族孫稜

第二十七卷

列傳第十五

卓茂 魯恭 弟丕

魏霸

劉寬

第二十八卷

列傳第十六

伏湛 子隆

侯霸

宋弘

蔡茂 郭賀附

馮勤

趙熹

牟融

韋彪 族子義

第二十九卷

列傳第十七

宣秉

張湛

王丹

杜林

吳良

鄭均

第三十卷

列傳第十八上

桓譚

第三十一卷

列傳第十八下

王良

郭丹

承宮

趙典

趙典

馮衍

馮衍

馮衍 子豹

第三十二卷

列傳第十九

申屠剛

郅恽 子壽

第三十三卷

列傳第二十上

蘇竟

鮑永 子昱

楊厚

第三十四卷

列傳第二十下

郎顛

襄楷

第三十五卷

列傳第二十一

郭伋

杜詩

孔奮

張堪

廉范

王堂

蘇章

族孫不韋

羊續

賈琮

陸康

第三十六卷

列傳第二十二

樊宏

子儵
族曾孫準

陰識

弟興

第三十七卷

列傳第二十三

朱浮

馮魴

虞延

鄭弘

周章

第三十八卷

列傳第二十四

梁統 子竦 曾孫商 玄孫冀

第三十九卷

列傳第二十五

張純 子奮 曹褒

鄭玄

第四十卷

列傳第二十六

鄭興 子衆 范升

陳元

賈逵

張霸 子楷 楷子陵 陵弟玄

第四十一卷

列傳第二十七

桓榮 子郁 孫馬 曾孫 鸞 玄孫典 彬 丁鴻

第四十二卷

列傳第二十八

張宗 法雄

滕撫 馮緄

度尚

楊璇

第四十三卷

列傳第二十九

劉平

趙孝

淳于恭

江革

劉般

子愷

周磐

趙咨

第四十四卷

列傳第三十上

自東都主人以下分爲下卷

班彪

子固

第四十五卷

列傳第三十下

班固

第四十六卷

列傳第三十一

第五倫

曾孫種

鍾離意

宋均

族子意

寒朗

第四十七卷

列傳第三十二

光武十王

東海恭王

疆

沛獻王

輔

楚王

英

濟南安王

康

東平憲王

蒼城孝王尚子任

阜陵質王

延

廣陵思王

荆

臨淮懷公

衡

中山簡王

焉

琅邪孝王

京

第四十八卷

列傳第三十三

朱暉

孫穆

樂恢

何敞

第四十九卷

列傳第三十四

鄧彪

張禹

徐防

張敏

胡廣

第五十卷

列傳第三十五

袁安

子敞

玄孫闔

張酺

韓稜

周榮

孫景

後漢書批評
目錄
第五十一卷

列傳第三十六

郭躬 弟子鎮

陳寵 子忠

第五十二卷

列傳第三十七

班超 子勇

梁懂

第五十三卷

列傳第三十八

楊終

李法

翟酺

應舉 子劭

霍諝

爰延

徐璆

第五十四卷

列傳第三十九

王克

王符

仲長統

第五十五卷

列傳第四十 明帝八王

千乘哀王 建

陳敬王 羨

彭城靖王 恭

樂成靖王 黨

下邳惠王 衍

梁節王 暢

淮陽頃王 昞

濟陰悼王 長

第五十六卷

列傳第四十一

李恂

陳禪

龐參

陳龜

橋玄

第五十七卷

列傳第四十二

崔駰 子瑗 孫寔

第五十八卷

列傳第四十三

周燮

黃憲

徐穉

姜肱

申屠蟠

第五十九卷

列傳第四十四

楊震 子秉 孫賜 曾孫彪 玄孫脩

第六十卷

列傳第四十五 章帝七王

千乘貞王 伉 平春悼王 全

清河孝王 慶 濟北惠王 壽

河間孝王 開 城陽懷王 淑

廣宗殤王 萬歲 平原懷王 勝 和帝

第六十一卷

列傳第四十六

張皓 子綱 王龔 子揚

种暠 子岱 佛 子劭 陳球

第六十二卷

列傳第四十七

杜根 樂巴

劉陶 李雲

劉瑜 謝弼

第六十三卷

列傳第四十八

虞詡

傅燮

蓋勳

臧洪

第六十四卷

列傳第四十九

張衡

第六十五卷

列傳第五十上

馬融

蔡邕

第六十六卷

列傳第五十下

蔡邕

第六十七卷

列傳第五十一

左雄

周舉

黃瓊

孫琬

子舉

第六十八卷

列傳第五十二

十四

荀淑 子爽 孫悅

韓韶

鍾皓 子紀

陳寔 子紀

第六十九卷

列傳第五十三

李固 子燮

杜喬

第七十卷

列傳第五十四

吳祐

延篤

史弼

盧植

趙岐

第七十一卷

列傳第五十五

皇甫規

張奐

段熲

第七十二卷

列傳第五十六

陳蕃

王允

第七十三卷

列傳第五十七 黨錮

劉淑

李膺

杜密

劉祐

魏朗

夏馥

宗慈

巴肅

范滂

尹勲

蔡衍

羊陟

張儉

岑暉

陳翔

孔昱

苑康

檀敷

劉儒

賈彪

何顥

第七十四卷

列傳第五十八

郭太

符融

許劭

第七十五卷

列傳第五十九

竇武

何進

第七十六卷

列傳第六十

鄭太

孔融

荀彧

第七十七卷

列傳第六十一

皇甫嵩

朱儁

第七十八卷

列傳第六十二

董卓

第七十九卷

列傳第六十三

劉虞

公孫瓚

陶謙

第八十卷

列傳第六十四上

袁紹

第八十一卷

列傳第六十四下

袁紹 子譚

劉表

第八十二卷

列傳第六十五

劉焉

袁術

呂布

第八十三卷

列傳第六十六 循吏

衛颯

任延

王景

秦彭

王渙

許荆

孟嘗

第五訪

劉矩

劉寵

仇香

童恢

第八十四卷

列傳第六十七 酷吏

董宣

樊曄

李章

周紆

黃昌

陽球

王吉

第八十五卷

列傳第六十八

宦者

鄭眾

蔡倫

孫程

曹騰

單超

侯覽

曹節

呂強

六

第八十六卷

列傳第六十九上

儒林

張讓

劉昆

洼丹

任安

楊政

張興

戴憑

孫期

歐陽歙

牟長

宋登

張馴

尹敏

周防

孔僖

楊綸

第八十七卷

列傳第六十九下 儒林

高詡

包咸

魏應

伏恭

任末

景鸞

薛漢

杜撫

召馴

楊仁

趙曄

衛宏

董鈞

丁恭

周澤

鍾興

甄宇

樓望

程曾

張玄

李育

何休

服虔

穎容

謝該

許慎

蔡玄

第八十八卷

列傳第七十上 文苑

杜篤

王隆

夏恭

傅毅

黃香

劉毅

李尤

蘇順

劉珍

葛龔

王逸

崔琦

邊韶

第八十九卷

列傳第七十下 文苑

張升

趙壹

劉梁

邊讓

酈炎

侯瑾

高彪

張超

禰衡

第九十卷

列傳第七十一 獨行

十九

譙玄

李業

劉茂

溫序

彭脩

索盧放

周嘉

范式

李善

王恁

張武

陸續

戴封

李充

繆彤

陳重

雷義

范冉

一名丹

戴就

趙苞

向栩

諒輔

劉翊

王烈

第九十一卷

列傳第七十二上

方術

任文公

郭憲

許楊

高獲

王喬

謝夷吾

楊由

李南

李邵

段翳

廖扶

折象

樊英

第九十二卷

列傳第七十二下

方術

唐檀

公沙穆

許曼

趙彥

樊志張

單颺

韓說

董扶

郭玉

華佗

徐登

費長房

薊子訓

劉根

左慈

計子勳

上成公

解辜奴

甘始

王真

王和平

第九十三卷

列傳第七十三

逸民

野王二老

向長

逢萌

周黨

王霸

嚴光

井丹

梁鴻

高鳳

臺佟

韓康

矯慎

戴良

法真

漢濱老父

陳留老父

龐公

二十

第九十四卷

列傳第七十四

列女

鮑宣妻

王霸妻

姜詩妻

周郁妻

曹世叔妻

樂羊子妻

陳文矩妻

孝女曹娥

許升妻

袁隗妻

龐涓母

劉長卿妻

皇甫規妻

陰瑜妻

盛道妻

孝女叔先雄

董祀妻

第九十五卷

列傳第七十五 東夷

東夷

第九十六卷

列傳第七十六

南蠻

西南夷

第九十七卷

列傳第七十七

西羌

第九十八卷

列傳第七十八

西域

第九十九卷

列傳第七十九

南匈奴

前書直言匈奴傳不言南北今稱南者明其為北生義也以南單于向化尤深故舉其順者以冠之東觀記稱匈奴南單于列傳范曄因去其

三

單于
二字

第一百卷

列傳第八十

烏桓

鮮卑

光武起後漢乙酉歲改建武元年傳及十二
帝至獻帝建安二十五年庚申凡一百九十
五年

范氏後漢書批評目録終

范氏後漢書批評卷一



光武帝紀第一上

敘即位前事精神飛動昆陽一戰尤為奇快中間用初字時字

於是字作轉換呼應體方意員是長篇之法也

世祖光武皇帝諱秀字文叔南陽蔡陽人高祖九
世之孫也出自景帝生長沙定王發發生春陵節
侯買買生鬱林太守外外生鉅鹿都尉回回生南
頓令欽欽生光武光武年九歲而孤養於叔父良
身長七尺三寸美須眉大口隆準日角性勤於稼

稽而兄伯升好俠養士常非笑光武事田業比之高祖兄仲王莽天鳳中乃之長安受尚書略通大義莽末天下連歲災蝗寇盜鋒起地皇三年南陽荒饑諸家賓客多爲小盜光武避吏新野因賣穀於宛宛人李通等以圖讖說光武云劉氏復起李氏爲輔光武初不敢當然獨念兄伯升素結輕客必舉大事且王莽敗已兆天下方亂遂與定謀於是乃市兵弩十月與李通從弟軼等起於宛時年二十八十一月有星孛于張光武遂將賓客還

春陵時伯升已會衆起兵初諸家子弟恐懼皆入逃自匿曰伯升殺我及見光武絳衣大冠皆驚曰謹厚者亦復爲之乃稍自安伯升於是招新市平林兵與其帥王鳳陳收西擊長聚光武初騎牛殺新野尉乃得馬進屠唐子鄉又殺湖陽尉軍中分財物不均衆恚恨欲反攻諸劉光武斂宗人所得物悉以與之衆乃悅進拔棘陽與王莽前隊大夫甄阜屬正梁丘賜戰於小長安漢軍大敗還係棘陽

更始元年正月甲子朔漢軍復與甄阜梁丘賜戰於泚水西大破之斬阜賜伯升又破王莽納言將軍嚴尤秩宗將軍陳茂於清陽進圍宛城二月辛巳立劉聖公爲天子以伯升爲大司徒光武爲太常偏將軍三月光武別與諸將徇昆陽定陵鄧皆下之多得牛馬財物穀數十萬斛轉以饋宛下莽聞阜賜死漢帝立大懼遣大司徒王尋大司空王邑將兵百萬其甲士四十二萬人五月到潁川復與嚴尤陳茂合初光武爲舂陵侯家訟逋租於尤

尤見而奇之及是時城中出降尤者言光武不取財物但會兵計策尤笑曰是美須眉者耶何爲乃如是初王莽徵天下能爲兵法者六十三家數百人並以爲軍吏選練武衛招募猛士旌旗輜重千里不絕時有長人巨無霸長一丈大十圍以爲壘尉又驅諸猛獸虎豹犀象之屬以助威武自秦漢出師之盛未嘗有也光武將數千兵徼之於陽關諸將見尋邑兵盛反走馳入昆陽皆惶怖憂念妻孥欲散歸諸城光武議曰今兵穀旣少而外寇疆

處、處、描、寫、

大并力禦之功庶可立如欲分散勢無俱全且宛城未拔不能相救昆陽即破一日之間諸部亦滅矣今不同心膽共舉功名反欲守妻子財物邪諸將怒曰劉將軍何敢如是光武笑而起會候騎還言大兵且至城北軍陳數百里不見其後諸將遽相謂曰更請劉將軍計之光武復為圖畫成敗諸將憂迫皆曰諾時城中唯有八九千人光武乃使成國上公王鳳廷尉大將軍王常留守夜自與驃騎大將軍宗佻五威將軍李軼等十三騎出城南

門於外收兵時莽軍到城下者且十萬光武幾不得出既至郾定陵悉發諸營兵而諸將貪惜財貨欲分留守之光武曰今若破敵珍瑜萬倍大功可成如為所敗首領無餘何財物之有眾乃從嚴尤說王邑曰昆陽城小而堅今假號者在宛亟進大兵彼必奔走宛敗昆陽自服邑曰吾昔以虎牙將軍圍翟義坐不生得以見責讓今將百萬之眾遇城而不能下何謂邪遂圍之數十重列營百數雲

敘昆陽之戰

曲折激壯與史記項羽破章邯軍相埒

車十餘丈瞰臨城中旗幟蔽野埃塵連天鉦鼓之

聲聞數百里或爲地道衝鞠撞城積弩亂發矢下如雨城中負戶而汲王鳳等乞降不許尋邑自以爲功在漏刻意氣甚逸夜有流星墜營中晝有雲如壞山當營而隕不及地尺而散吏士皆厭伏六月巳卯光武遂與營部俱進自將步騎千餘前去大軍四五里而陳尋邑亦遣兵數千合戰光武奔之斬首數十級諸部喜曰劉將軍平生見小敵怯今見大敵勇甚可怪也且復居前請助將軍光武復進尋邑兵却諸部共乘之斬首數百千級連勝

遂前時伯升拔宛巳三日而光武尚未知乃僞使持書報城中云宛下兵到而陽墮其書尋邑得之不喜諸將旣經累捷膽氣益壯無不一當百光武乃與敢死者三千人從城西水上衝其中堅尋邑陳亂乘銳崩之遂殺王尋城中亦鼓譟而出中外合執震呼動天地莽兵大潰走者相騰踐奔殪百餘里間會大雷風屋瓦皆飛雨下如注滢川盛溢虎豹皆股戰士卒爭赴溺死以萬數水爲不流王邑嚴尤陳茂輕騎乘死人度水逃去盡獲其軍

實輜重車甲珍寶不可勝算舉之連月不盡或燔
燒其餘光武因復徇下潁陽會伯升爲更始所害
光武自父城馳詣宛謝司徒官屬迎弔光武光武
難交私語深引過而已未嘗自伐昆陽之功又不
敢爲伯升服喪飲食言笑如平常更始以是慙拜
光武爲破虜大將軍封武信侯九月庚戌三輔豪
傑共誅王莽傳首詣宛更始將北都洛陽以光武
行司隸校尉使前整修官府於是致僚屬作文移
從事司察一如舊章時三輔吏士東迎更始見諸

將過皆冠幘而服婦人衣諸于繡黼莫不笑之或

淋、滴、盡、意

寫、得

有畏而走者及見司隸僚屬皆歡喜不自勝老吏
或垂涕曰不圖今日復見漢官威儀由是識者皆
屬心焉及更始至洛陽乃遣光武以破虜將軍行
大司馬事十月持節北度河鎮慰州郡所到部縣
輒見二千石長吏三老官屬下至佐史考察黜陟
如州牧行部事輒平遣囚徒除王莽苛政復漢官
名吏人喜悅爭持牛酒迎勞進至邯鄲故趙繆王
子林說光武曰赤眉今在河東但決水灌之百萬

之衆可使爲魚光武不荅去之真定林於是乃詐
以十者王郎爲成帝子子與十二月立郎爲天子
都邯鄲遂遣使者降下郡國

二年正月光武以王郎新盛乃北徇薊王郎移檄
購光武十萬戶而故廣陽王子劉接起兵薊中以
應郎城內擾亂轉相驚恐言邯鄲使者方到二千
石以下皆出迎於是光武趣駕南轅晨夜不敢入
城邑舍食道傍至饒陽官屬皆乏食光武乃自稱
邯鄲使者入傳舍傳吏方進食從者饑爭奪之傳

吏疑其僞乃椎鼓數十通給言邯鄲將軍至官屬
皆失色光武升車欲馳既而懼不免徐還坐曰請
邯鄲將軍入久乃駕去傳中人遙語門者閉之門
長曰天下詎可知而閉長者乎遂得南出晨夜兼
行蒙犯霜雪天時寒面皆破裂至滹沱河無船適
遇冰合得過未畢數車而陷進至下博城西遑惑

王、霸、傳、詳、此、故、略

不知所之有白衣老父在道旁指曰弩力信都郡

爲長安守去此八十里光武卽馳赴之信都太守

天、巧、相、素

任光開門出迎世祖因發旁縣得四千人先擊堂

後漢書 卷一
陽貫縣皆降之。王莽和戎卒正邳彤亦舉郡降。又昌城人劉植宋于人耿純各率宗親子弟據其縣邑以奉光武。於是北降下曲陽衆稍合。樂附者至有數萬人。復北擊中山拔盧奴所過發奔命兵移檄邊部共擊邯鄲郡縣還復響應。南擊新市真定元氏防子皆下之。因入趙界時王郎大將李育屯栢人漢兵不知而進前部偏將朱浮鄧禹爲育所破。亡失輜重。光武在後聞之收浮禹散卒與育戰於郭門大破之。盡得其所獲育還保城攻之不下。

於是引兵拔廣阿會上谷太守耿况漁陽太守彭寵各遣其將吳漢寇恂等將突騎來助擊王郎。更始亦遣尚書僕射謝躬討郎。光武因大饗士卒遂東圍鉅鹿。王郎守將王饒堅守月餘不下。郎遣將倪宏劉奉率數萬人救鉅鹿。光武逆戰於南絲。斬首數千級。四月進圍邯鄲。連戰破之。五月甲辰拔其城。誅王郎。收文書得吏人與郎交關謗毀者數千章。光武不省會諸將軍燒之。曰令反側子自安。更始遣侍御史持節立光武爲蕭王。悉令罷兵詣

行在所光武辭以河北未平不就徵自是始貳於更始是時長安政亂四方背叛梁王劉永擅命睢陽公孫述稱王巴蜀李憲自立爲淮南王秦豐自號楚黎王張步起琅邪董憲起東海延岑起漢中田戎起夷陵並置將帥侵略郡縣又別號諸賊銅馬大彤高湖重連鐵脰大搶尤來上江青犢五校檀鄉五幡五樓富平獲索等各領部曲衆合數百萬人所在寇掠光武將擊之先遣吳漢北發十郡兵幽州牧苗曾不從漢遂斬曾而發其衆秋光武

擊銅馬於鄒吳漢將突騎來會清陽賊數挑戰光武堅營自守有出鹵掠者輒擊取之絕其糧道積月餘日賊食盡夜遁去追至館陶大破之受降未盡而高湖重連從東南來與銅馬餘衆合光武復與大戰於蒲陽悉破降之封其渠帥爲列侯降者猶不自安光武知其意勅令各歸營勒兵乃自乘輕騎案行部陳降者更相語曰蕭王推赤心置人腹中安得不投死乎由是皆服悉將降人分配諸將衆遂數十萬故關西號光武爲銅馬帝赤眉別

帥與大彤青犢十餘萬衆在射犬光武進擊大破之衆皆散走使吳漢岑彭襲殺謝躬於鄴青犢赤眉賊入函谷關攻更始光武乃遣鄧禹率六裨將引兵而西以乘更始赤眉之亂時更始使大司馬朱鮪舞陰王李軼等屯洛陽光武亦令馮異守孟津以拒之

建武元年春正月平陵人方望立前孺子劉嬰爲天子更始遣丞相李松擊斬之光武北擊尤來大搶五幡於元氏追至右北平連破之又戰於順水

北乘勝輕進反爲所敗賊追急短兵接光武自投高岸遇突騎王豐下馬授光武光武撫其肩而上顧笑謂耿弇曰幾爲虜嗤弇頻射却賊得免士卒死者數千人散兵歸保范陽軍中不見光武或云已沒諸將不知所爲吳漢曰卿曹弩力王兄子在南陽何憂無主衆恐懼數日乃定賊雖戰勝而素懼大威客主不相知夜遂引去大軍復進至安次與戰破之斬首三千餘級賊入漁陽乃遣吳漢率耿弇陳俊馬武等十二將軍追戰于潞東及平谷

大破滅之朱鮪遣討難將軍蘇茂攻溫馮異寇恂
與戰大破之斬其將賈疆於是諸將議上尊號馬
武先進曰天下無主如有聖人承敝而起雖仲尼
為相孫子為將猶恐無能有益反水不收後悔無
必先有此議而光武拒之故云及大王雖執謙退奈宗廟社稷何宜且還薊即尊
位乃議征伐今此誰賊而馳騫擊之乎光武驚曰
何將軍出是言可斬也武曰諸將盡然光武使出
曉之乃引軍還至薊夏四月公孫述自稱天子光
武從薊還過范陽命收葬吏士至中山諸將復上

奏曰漢遭王莽宗廟廢絕豪傑憤怒兆人塗炭王
與伯升首舉義兵更始因其資以據帝位而不能
奉承大統敗亂綱紀盜賊日多羣生危蹙大王初
征昆陽王莽自潰後拔邯鄲北州弭定參分天下
而有其二跨州據土帶甲百萬言武力則莫之敢
抗論文德則無所與辭臣聞帝王不可以久曠天
命不可以謙拒惟大王以社稷為計萬姓為心光
武又不聽行到南平棘諸將復固請之光武曰寇
賊未平四面受敵何據欲正號位乎諸將且出耿

純進曰天下士大夫捐親戚棄土壤從大王於矢石之間者其計固望其攀龍鱗附鳳翼以成其志耳今功業即定天人亦應而大王留時逆眾不正號位純恐士大夫望絕計窮則有去歸之思無爲久自苦也大衆一散難可復合時不可留眾不可逆純言甚誠切光武深感曰吾將思之行至鄗光武先在長安時同舍生彊華自關中奉赤伏符曰劉秀發兵捕不道四夷雲集龍鬪野四七之際火爲主羣臣因復奏曰受命之符人應爲大萬里

合信不議同情周之白魚曷足比焉今上無天子海內淆亂符瑞之應昭然著聞宜答天神以塞羣望光武於是命有司設壇場於鄗南千秋亭五成陌六月己未即皇帝位燔燎告天禋于六宗望於羣神其祝文曰皇天上帝后土神祇眷顧降命屬秀黎元爲人父母秀不敢當羣下百辟不謀同辭咸曰王莽篡位秀發憤興兵破王尋王邑於昆陽誅王郎銅馬於河北平定天下海内蒙恩上當天地之心下爲元元所歸讖記曰劉秀發兵捕不道

卯金脩德為天子秀猶固辭至于再至于三羣下
僉曰皇天大命不可稽留敢不敬承於是建元為
建武大赦天下改鄣為高邑是月赤眉立劉盆子
為天子甲子前將軍鄧禹擊更始定國公主王匡
於安邑大破之斬其將劉均秋七月辛未拜前將
軍鄧禹為大司徒丁丑以野王令王梁為大司空
壬午以大將軍吳漢為大司馬偏將軍景丹為驃
騎大將軍大將軍耿弇為建威大將軍偏將軍蓋
延為虎牙大將軍偏將軍朱祐為建義大將軍中

堅將軍杜茂為大將軍時宗室劉茂自號厭新將
軍率眾降封為中山王己亥幸懷遣耿弇率彊弩
將軍陳俊軍五社津備滎陽以東使吳漢率朱祐
及廷尉岑彭執金吾賈復揚化將軍堅鐔等十一
將軍圍朱鮪於洛陽八月壬子祭社稷癸丑祠高
祖太宗世宗於懷宮進幸河陽更始廩丘王田立
降九月赤眉入長安更始奔高陵辛未詔曰更始
破敗棄城逃走妻子裸袒流冗道路朕甚愍之今
封更始為淮陽王吏人敢有賊害者罪同大逆甲

後漢書批註卷一
申以前高密令卓茂爲太傅辛卯朱鮪舉城降冬
十月癸丑車駕入洛陽幸南宮却非殿遂定都焉
遣岑彭擊荊州羣賊十一月甲午幸懷劉永自稱
天子十二月丙戌至自懷赤眉殺更始而隗囂據
隴右盧芳起安定破虜大將軍叔壽擊五校賊於
曲梁戰歿

二年春正月甲子朔日有食之大司馬吳漢率九
將軍擊檀鄉賊於鄴東大破降之庚辰封功臣皆
爲列侯大國四縣餘各有差下詔曰人情得足苦

於放縱快須臾之欲忘慎罰之義惟諸將業遠功
大誠欲傳於無窮宜如臨深淵如履薄冰戰戰慄
慄日慎一日其顯效未酬名籍未立者大鴻臚趣
上朕將差而錄之博士丁恭議曰古帝王封諸侯
不過百里故利以建侯取法於雷彊幹弱枝所以
爲治也今封諸侯四縣不合法制帝曰古之亾國
皆以無道未嘗聞功臣地多而滅亾者乃遣謁者
卽授印綬策曰在上不驕高而不危制節謹度滿
而不溢敬之戒之傳爾子孫長爲漢藩壬午更始

後漢書紀事本末卷一
復漢將軍鄧暉輔漢將軍于匡降皆復爵位壬子
起向廟建社稷於洛陽立郊兆于城南始正火德
色尚赤是月赤眉焚西京宮室發掘園陵寇掠關
中大司徒鄧禹入長安遣府掾奉十一帝神主納
於高廟真定王楊臨邑侯讓謀反遣前將軍耿純
誅之二月巳酉幸修武大司空王梁免壬子以太
中大夫宋弘爲大司空遣驃騎大將軍景丹率征
虜將軍祭遵等二將軍擊弘農賊破之因遣祭遵
圍蠻中賊張滿漁陽太守彭寵反攻幽州牧朱浮

於薊延岑自稱武安王於漢中辛卯至自修武三
月乙未大赦天下詔曰頃獄多冤人用刑深刻朕
甚愍之孔子云刑罰不中則民無所措手足其與
中二千石諸大夫博士議郎議省刑法遣執金吾
賈復率二將軍擊更始郾王尹遵破降之驍騎將
軍劉植擊密賊戰歿遣虎牙大將軍蓋延率四將
軍伐劉永夏四月圍永於睢陽更始將蘇茂殺淮
陽太守潘蹇而附劉永甲午封叔父良爲廣陽王
兄子章爲太原王章弟興爲魯王春陵侯嫡子社

爲城陽王五月庚辰封更始元氏王欵爲泗水王
故真定王楊子德爲真定王周後姬常爲周承休
公癸未詔曰民有嫁妻賣子欲歸父母者恣聽之
敢拘執論如律六月戊戌立貴人郭氏爲皇后子
彊爲皇太子大赦天下增郎謁者從官秩各一等
丙午封宗子劉終爲淄川王秋八月帝自將征五
校丙辰幸內黃大破五校於蕘陽降之遣游擊將
軍鄧隆救朱浮與彭寵戰於潞隆軍敗績蓋延拔
睢陽劉永奔譙破虜將軍鄧奉據涇陽反九月壬

戌至自內黃驃騎大將軍景丹薨延岑大破赤眉
於杜陵關中饑民相食冬十一月以廷尉岑彭爲
征南大將軍率八將軍討鄧奉於堵鄉銅馬青犢
尤來餘賊共立孫登爲天子於上郡登將樂玄殺
登以其衆五萬餘人降偏將軍馮異代鄧禹伐赤
眉使太中大夫伏隆持節安輯青徐二州招張步
降之十二月戊午詔曰惟宗室列侯爲王莽所廢
先靈無所依歸朕甚愍之其並復故國若侯身已
歿屬所上其子孫見名尚書封拜是歲略蓋延等大

破劉永於沛西初王莽末天下旱蝗黃金一斤易粟一斛至是野穀旅生麻未尤盛野蠶成繭被於山阜人收其利焉

三年春正月甲子以偏將軍馮異爲征西大將軍

杜茂爲驃騎大將軍大司徒鄧禹及馮異與赤眉戰於回溪禹異敗績征虜將軍祭遵破蠻中斬張

滿辛巳立皇考南頓君巳上四廟壬午大赦天下

閏月乙巳大司徒鄧禹免馮異與赤眉戰於嶠底

大破之餘衆南向宜陽帝自將征之巳亥幸宜陽

甲辰親勒六軍大陳戎馬大司馬吳漢精卒當前

中軍次之驍騎武衛分陳左右赤眉望見震怖遣

使乞降丙午赤眉君臣面縛奉高皇帝璽綬詔以

屬城門校尉戊申至自宜陽巳酉詔曰羣盜縱橫

賊害元元盆子竊尊號亂惑天下朕奮兵討擊應

時崩解十餘萬衆束手降服先帝璽綬歸之王府

斯皆祖宗之靈士人之力朕曷足以享斯哉其擇

吉日祠高廟賜天下長子當爲父後者爵人一級

二月巳未祠高廟受傳國璽劉永立董憲爲海西

王張步爲齊王步殺光祿大夫伏隆而反幸懷遣
吳漢率二將軍擊青犢於軹西大破降之三月壬
寅以大司徒司直伏湛爲大司徒彭寵陷薊城寵
自立爲燕王帝三自將自將征鄧奉幸堵陽夏四月大破
鄧奉於小長安斬之馮異與延岑戰於上林破之
吳漢率七將軍與劉永將蘇茂戰於廣樂大破之
虎牙大將軍蓋延圍劉永於睢陽五月巳酉車駕
還宮乙卯晦日有食之六月壬戌大赦天下耿弇
與延岑戰于穰大破之秋七月征南大將軍岑彭

率三將軍伐秦豐戰於黎丘大破之獲其將蔡宏
庚辰詔曰吏不滿六百石下至墨綬長相有罪先
請男子八十以上十歲以下及婦人從坐者自非
不道詔所名捕皆不得繫當驗問者卽就驗女徒
雇山歸家蓋延拔睢陽獲劉永而蘇茂周建立永
子紆爲梁王冬十月壬申幸春陵祠園廟因置酒
舊宅大會故人父老十一月乙未至自春陵涿郡
太守張豐反是歲李憲自稱天子西州大將軍隗
躡奉奏建義大將軍朱祐率祭遵與延岑戰於東

陽斬其將張成

四年春正月甲申大赦天下二月壬子幸懷壬申
至自懷遣右將軍鄧禹率二將軍與延岑戰於武
當破之夏四月丁巳幸鄴巳巳進幸臨平遣大司
馬吳漢擊五校賊於箕山大破之五月進幸元氏
辛巳進幸盧奴遣征虜將軍祭遵率四將軍討張
豐於涿郡斬豐六月辛亥車駕還宮七月丁亥幸
譙遣捕虜將軍馬武偏將軍王霸圍劉紆於垂惠
董憲將賁休以蘭陵城降憲圍之虎牙大將軍蓋

延率平狄將軍龐萌救賁休不克蘭陵爲憲所陷
秋八月戊午進幸壽春太中大夫徐憚擅殺臨淮
太守劉度憚坐誅遣揚武將軍馬成率三將軍伐
李憲九月圍憲於舒冬十月甲寅車駕還宮太傅
卓茂薨十一月丙申幸宛遣建義大將軍朱祐率
二將軍圍秦豐於黎丘十二月丙寅進幸黎丘是
歲征西大將軍馮異與公孫述將程焉戰於陳倉
破之

五年春正月癸巳車駕還宮二月丙午大赦天下

捕虜將軍馬武偏將軍王霸拔垂惠乙丑幸魏郡
壬申封殷後孔安爲殷紹嘉公彭寵爲其蒼頭所
殺漁陽平大司馬吳漢率建威大將軍耿弇擊富
平獲索賊於平原大破降之復遣耿弇率二將軍
討張步三月癸未徙廣陽王良爲趙王始就國平
狄將軍龐萌反殺楚郡太守孫萌而東附董憲遣
征南大將軍岑彭率二將軍伐圍戎於津鄉大破
之夏四月旱蝗河西大將軍竇融始遣使貢獻五
月丙子詔曰久旱傷麥秋種未下朕甚憂之將殘

吏未勝獄多冤結元元愁恨感動天地乎其令中

都官三輔郡國出繫囚罪非犯殊死一切勿案見

徒免爲庶人務進柔良退貪酷各正厥事焉六月

建義大將軍朱祐拔黎丘獲秦豐而龐萌蘇茂圍

桃城帝時幸蒙因自將征之四自將先理兵任城乃進救

桃城大破萌等秋七月丁丑幸沛祠高原廟詔修

復西京園陵進幸湖陵征董憲又幸蕃遂攻董憲

於昌慮大破之八月己酉進幸郟留吳漢攻劉紆

董憲等車駕轉徇彭城下邳吳漢拔郟獲劉紆漢

進圍董憲龐萌於朐冬十月還幸魯使大司空祠
孔子耿弇等與張步戰於臨淄大破之帝幸臨淄
進幸劇張步斬蘇茂以降齊地平初起太學車駕
還宮幸太學賜博士弟子各有差十一月壬寅大
司徒伏湛免尚書令侯霸爲大司徒十二月盧芳
白稱天子於九原西州大將軍隗囂遣子恂入侍
交趾牧鄧讓率七郡太守遣使奉貢詔復濟陽二
年徭役是歲野穀漸少田畝益廣焉

范氏後漢書批評卷一

終

范氏後漢書批評卷二

江寧顧起元閱

光武帝紀第一下

六年春正月丙辰改春陵鄉爲章陵縣世世復徭
役比豐沛無有所豫辛酉詔曰往歲水旱蝗蟲爲
災穀價騰躍人用困乏朕惟百姓無以自贍惻然
愍之其命郡國有穀者給稟高年鰥寡孤獨及篤
癯無家屬貧不能自存者如律二千石勉加循撫
無令失職揚武將軍馬成等拔舒獲李憲二月大

司馬吳漢拔胸獲董憲龐萌山東悉平諸將還京
師置酒賞賜三月公孫述遣將任滿寇南郡夏四
月丙子幸長安始謁高廟遂有事十一陵遣虎牙
大將軍蓋延等七將軍從隴道伐公孫述五月已
未至自長安隗囂反蓋延等因與囂戰於隴氐諸
將敗績辛丑詔曰惟天水隴西安定北地吏人爲
隗囂所誑誤者又三輔遭難赤眉有犯法不道者
自殊死以下皆赦除之六月辛卯詔曰夫張官置
吏所以爲人也今百姓遭難戶口耗少而縣官吏

職所置尚繁其令司隸州牧各實所部省減吏員
縣國不足置長吏可并合者上大司徒大司空二
府於是條奏并省四百餘縣吏職減損十置其一
代郡太守劉興擊盧芳將賈覽於高柳戰歿初樂
浪人王調據郡不服秋遣樂浪太守王遵擊之郡
吏殺調降遣前將軍李通率二將軍與公孫述將
戰於西城破之夏蝗秋九月庚子赦樂浪謀反大
逆殊死已下丙寅晦日有食之冬十月丁丑詔曰
吾德薄不明寇賊爲害彊弱相陵元元失所詩云

後漢書卷二
日月告凶不用其行永念厥咎內疚於心其勅公卿舉賢良方正各一人百僚並上封事無有隱諱有司修職務遵法度十一月丁卯詔王莽時吏人沒人爲奴婢不應舊法者皆免爲庶人十二月壬辰大司空宋弘免癸巳詔曰頃者師旅未解用度不足故行什一之稅今軍士屯田糧儲差積其令郡國收見田租三十稅一如舊制隗囂遣將行巡寇扶風征西大將軍馮異拒破之是歲初罷郡國都尉官始遣列侯就國匈奴遣使來獻使中郎將

報命

七年春正月丙申詔中都官三輔郡國出繫囚非犯殊死皆一切勿案其罪見徒免爲庶民耐罪人命吏以文除之又詔曰世以厚葬爲德薄終爲鄙至于富者奢僭貧者單財法令不能禁禮義不能止倉卒乃知其咎其布告天下令知忠臣孝子慈兄悌弟薄葬送終之義二月辛巳罷護曹都尉官三月丁酉詔曰今國有衆軍並多精勇宜且罷輕車騎士材官樓船士及軍假吏令還復民伍公孫

述立隗囂爲朔寧王癸亥晦日有食之避正殿寢
兵不聽事五日詔曰吾德薄致災謫見日月戰慄
恐懼夫何言哉今方念愆庶消厥咎其令有司各
修職任奉遵法度惠茲元元百僚各上封事無有
所諱其上書者不得言聖夏四月壬午詔曰比陰
陽錯謬日月薄食百姓有過在予一人大赦天下
公卿司隸州牧舉賢良方正各一人遣詣公車朕
將覽試焉五月戊戌前將軍李通爲大司空甲寅
詔吏人遭饑亂及爲青徐賊所略爲奴婢下妻欲

去留者恣聽之敢拘制不還以賣人法從事是夏
連雨水漢忠將軍王常爲橫野大將軍八月丁亥
封前河間王邵爲河間王隗囂寇安定征西大將
軍馮異征虜將軍祭遵擊却之冬盧芳所置朔方
太守田颯雲中太守喬扈各舉郡降是歲省長水
射聲二校尉官

八年春正月中郎將來歙襲略陽殺隗囂守將而
據其城夏四月司隸校尉傅亢下獄歿隗囂攻來
歙不能下閏月帝五自將自征蹏河西太守竇融率五郡

太守與車駕會高平隴右潰隗躡奔西城遣大司馬吳漢征南大將軍岑彭圍之進幸上邽不降命虎牙大將軍蓋延建威大將軍耿弇攻之潁川盜賊寇沒屬縣河東守之守兵也非誤河東守守兵亦叛京師騷動秋大水八月帝自上邽晨夜東馳九月乙卯車駕還宮庚申帝自征潁川盜賊皆降安丘侯張步叛歸琅邪琅邪太守陳俊討獲之戊寅至自潁川冬十月丙午幸懷十一月乙丑至自懷公孫述遣兵救隗躡吳漢蓋延等還軍長安天水隴西復反歸躡十二

月高句驪王遣使奉貢是歲大水

九年春正月隗躡病歿其將王元周宗復立躡子純為王徙鴈門吏人於太原三月辛亥初致青巾左校尉官公孫述遣將田戎任滿據荆門夏六月丙戌幸緱氏登轅轅遣大司馬吳漢率四將軍擊盧芳將賈覽於高柳戰不利秋八月遣中郎將來歙監征西大將軍馮異等五將軍討隗純於天水驃騎大將軍杜茂與賈覽戰於繁峙茂軍敗績是歲省關都尉復置護羌校尉官

十年春正月大司馬吳漢率捕虜將軍王霸等五將軍擊賈覽於高柳匈奴遣騎救覽諸將與戰卻之修理長安高廟夏征西大將軍馮異破公孫述將趙匡於天水斬之征西大將軍馮異薨秋八月己亥幸長安祠高廟遂有事十一陵戊戌進幸汧隗躡將高峻降冬十月中郎將來歙等大破隗純於落門其將王元奔蜀純與周宗降隴右平先零羌寇金城隴西來歙率諸將擊羌於五谿大破之庚寅車駕還宮是歲省定襄郡徙其民於西河泗

水王歙薨淄州王終薨

十一年春二月己卯詔曰天地之性人爲貴其殺奴婢不得減罪己酉幸南陽還幸章陵祠園陵城陽王祉薨庚午車駕還宮閏月征南大將軍岑彭率三將軍與公孫述將田戎任滿戰於荆門大破之獲任滿威虜將軍馮駿圍田戎於江州岑彭遂率舟師伐公孫述平巴郡夏四月丁卯省大司徒司直官先零羌寇臨洮六月中郎將來歙率揚武將軍馬成破公孫述將王元環安於下辯安遣間

人刺殺中郎將來歙帝自將征公孫述秋七月次
 長安八月岑彭破公孫述將侯丹於黃石輔威將
 軍臧宮與公孫述將延岑戰於沈水大破之王元
 降至自長安癸亥詔曰敢灸灼奴婢論如律免所
 灸灼者為庶民冬十月壬午詔除奴婢射傷人棄
 市律公孫述遣間人刺殺征南大將軍岑彭馬成
 平武都因隴西太守馬援擊破先零羌徙致天水
 隴西扶風十二月大司馬吳漢率舟師伐公孫述
 是歲省朔方牧并并州初斷州牧自還奏事

十二年春正月大司馬吳漢與公孫述將史興戰
 於武陽斬之三月癸酉詔隴蜀民被略為奴婢自
 訟者及獄官未報一切免為庶民夏甘露降南行
 唐六月黃龍見東阿秋七月威虜將軍馮峻拔江
 州獲田戎九月吳漢大破公孫述將謝豐于廣都
 斬之輔威將軍臧宮拔涪城斬公孫恢大司空李
 通罷冬十一月戊寅吳漢臧宮與公孫述戰於成
 都大破之述被創夜死辛巳吳漢屠成都夷述宗
 族及延岑等十二月辛卯揚武將軍馬成行大司

後漢書地理志卷二
空事是歲九真徼外蠻夷張遊率種人內屬封爲
歸漢里君省金城郡屬隴西參狼羌寇武都隴西
太守馬援討降之詔邊吏力不足戰則守追虜料
敵不拘以逗留法橫野大將軍王常薨遣驃騎大
將軍杜茂將衆郡施刑屯北邊築亭候修烽燧

十三年春正月庚申大司徒侯霸薨戊子詔曰往
年已勅郡國異味不得有所獻御今猶未止非徒
有豫養導擇之勞至乃煩擾道上疲費過所其令
太官勿復受明勅下以遠方口實所以薦宗廟自

如舊制二月遣捕虜將軍馬武屯滹沱河以備匈
奴盧芳自五原亾入匈奴丙辰詔曰長沙王興真
定王得河間王邵中山王茂皆襲爵爲王不應經
義其以興爲臨湘侯得爲真定侯邵爲樂成侯茂
爲單父侯其宗室及絕國封侯者凡一百三十七
人丁巳降趙王良爲趙公太原王章爲齊公魯王
興爲魯公庚午以殷紹嘉公孔安爲宋公周承休
公姬常爲衛公省并西京十三國廣平屬鉅鹿真
定屬常山河間屬信都城陽屬琅邪泗水屬廣陵

淄川屬高密膠東屬北海陸安屬廬江廣陽屬上谷三月沛郡太守韓歆爲大司徒丙子行大司空馬成罷夏四月大司馬吳漢自蜀還京師於是大饗將士班勞策勳功臣增邑更封凡三百六十五人其外戚恩澤封者四十五人罷左右將軍官建威大將軍耿弇罷益州傳送公孫述瞽師郊廟樂器葆車輿輦於是法物始備時兵革旣息天下少事文書調役務從簡寡至乃十存一焉甲寅冀州牧竇融爲大司空五月匈奴寇河東秋七月廣漢

徼外白馬羌豪率種人內屬九月日南徼外蠻夷獻白雉白兔冬十二月甲寅詔益州民自八年以來被略爲奴婢者皆一切免爲庶民或依託爲人下妻欲去者恣聽之敢拘留者比青徐二州以略人法從事復置金城郡

十四年春正月起南宮前殿匈奴遣使奉獻使中郎將報命夏四月辛巳封孔子後志爲褒成侯越巂人任貴自稱太守遣使奉計秋九月平城人賈丹殺盧芳將尹由來降是歲會稽大疫莎車國鄯

善國遣使奉獻十二月癸卯詔益涼二州奴婢自
八年以來自訟在所官一切免爲庶民賣者無還
直

十五年春正月辛丑大司徒韓歆免自殺丁未有
星孛於昴汝南太守歐陽歙爲大司徒建議大將
軍朱祐罷丁未有星孛於營室二月徙鴈門代郡
上谷三郡民置常關居庸關以東初巴蜀旣平大
司馬吳漢上書請封皇子不許重奏連歲三月乃
詔郡臣議大司空融固始侯通膠東侯復高密侯

羣

禹太常登等奏議曰古者封建諸侯以藩屏京師
周封八百同姓諸姬並爲建國夾輔王室尊事天
子享國永長爲後世法故詩云大啓爾宇爲周室
輔高祖聖德光有天下亦務親親封立兄弟諸子
不違舊章陛下德橫天地興復宗統褒德賞勲親
睦九族功臣宗室咸蒙封爵多受廣地或連屬縣
今皇子賴天能勝衣趨拜陛下恭謙克讓抑而未
議羣臣百姓莫不失望宜因盛夏吉時定號位以
廣藩輔明親親尊宗廟重社稷應古合舊厭塞衆

心臣請大司空上輿地圖太常擇吉日具禮儀制
曰可夏四月戊申以太牢告祠宗廟丁巳使大司
空融告廟封皇子輔為右翊公英為楚公陽為東
海公康為濟南公蒼為東平公延為淮陽公荆為
山陽公衡為臨淮公焉為左翊公京為琅邪公癸
丑追謚兄伯升為齊武公兄仲為魯哀公六月庚
午復致屯騎長水射聲三校尉官改青巾左校尉
為越騎校尉詔下州郡檢覈墾田頃畝及戶口年
紀又考實二千石長吏阿枉不平者冬十一月甲

致疑置

戌大司徒歐陽歙下獄死十二月庚午關內侯戴
涉為大司徒盧芳自匈奴入居高柳是歲驃騎大
將軍杜茂免虎牙大將軍蓋延薨

十六年春二月交阯女子徵側反略有城邑三月
辛丑晦日有蝕之秋九月河南尹張伋及諸郡守
十餘人坐度田不實皆下獄死郡國大姓及兵長
羣盜處處並起攻劫在所害殺長吏郡縣追討到
則解散去復屯結青徐幽冀四州尤甚冬十月遣
使者下郡國聽羣盜自相糾擿五人共斬一人者

除其罪吏雖逗留迴避故縱者皆勿問聽以禽討
爲效其牧守令長坐界內盜賊而不收捕者又以
畏慙捐城委守者皆不以爲負但取獲賊多少爲
殿最唯蔽匿者乃罪之於是更相追捕賊並解散
徙其魁帥於它郡賦田受稟使安生業自是牛馬
放牧邑門不閉盧芳遣使乞降十二月甲辰封芳
爲代王初王莽亂後貨幣雜用布帛金粟是歲始
行五銖錢

十七年春正月趙公良薨二月乙亥晦日有蝕之

夏四月乙卯南巡狩皇太子及右翊公輔楚公英
東海公陽濟南公康東平公蒼從幸潁川進幸葉
章陵五月乙卯車駕還宮六月癸巳臨淮公衡薨
秋七月妖巫李廣等羣起據皖城遣虎賁中郎將
馬援驃騎將軍段志討之九月破皖城斬李廣等
冬十月辛巳廢皇后郭氏爲中山太后立貴人陰
氏爲皇后進右翊公輔爲中山王食常山郡其餘
九國公皆卽舊封進爵爲王甲申幸章陵修園廟
祠舊宅觀田廬置酒作樂賞賜時宗室諸母因酣

後漢書 卷二
倪相與語曰文叔少時謹言與人不款曲唯直柔耳今乃能如此帝聞之大笑曰吾理天下亦欲以柔道行之乃悉爲春陵宗室起祠堂有鳳凰見於潁川之郟縣十二月至自章陵是歲莎車國遣使貢獻

十八年春二月蜀郡守將史歆叛遣大司馬吳漢率二將軍討之圍成都甲寅西巡狩幸長安三月壬午祠高廟遂有事十一陵歷馮翊界進幸蒲坂祠后土夏四月甲戌車駕還宮癸酉詔曰今邊郡

盜藪五十斛罪至於死開殘吏妄殺之路其蠲除此法同之內郡遣伏波將軍馬援率樓船將軍段志等擊交阯賊徵側等戊申幸河內戊子至自河內五月旱盧芳復亾入匈奴秋七月吳漢拔成都斬史歆等壬戌赦益州所部殊死已下冬十月庚辰幸宜城還祠章陵十二月乙丑車駕還宮是歲罷州牧置刺史

十九年春正月庚子追尊孝宣皇帝曰中宗始祠昭帝元帝於太廟成帝哀帝平帝於長安春陵節

疾以下四世於章陵妖巫單臣傅鎮等反據原武
 大中大夫臧宮圍之夏四月拔原武斬臣鎮等伏
 波將軍馬援破交阯斬徵側等因擊破九真賊都
 陽等降之閏月戊申進趙齊魯三國公爵為王六
 月戊申詔曰春秋之義立子以貴東海王陽皇后
 之子宜承大統皇太子彊崇執謙退願備藩國父
 子之情重久違之其以彊為東海王立陽為皇太
 子改名莊秋九月南巡狩壬申幸南陽進幸汝南
 南頓縣舍置酒會賜吏人復南頓田租歲父老前

置

叩頭言皇考居此日久陛下識知寺舍每來輒加
 厚恩願賜復十年帝曰天下重器常恐不任日復
 一日安敢遠期十歲乎吏人又言陛下實惜之何
 言謙也帝大笑復增一歲進幸淮陽梁沛西南夷
 寇益州郡遣武威將軍劉尚討之越雋太守任貴
 謀叛十二月劉尚襲貴誅之是歲復致函谷關都
 尉修西京宮室

二十年春二月戊子車駕還宮夏四月庚辰大司
 徒戴涉下獄死大司空竇融免五月辛亥大司馬

吳漢薨匈奴寇上黨天水遂至扶風六月庚寅廣漢太守蔡茂為大司徒太僕朱浮為大司空壬辰左中郎將劉隆為驃騎將軍行大司馬事乙未徙中山王輔為沛王秋東夷韓國人率眾請樂浪內附冬十月東巡狩甲午幸魯進幸東海楚沛國十一月二月匈奴寇天水壬寅車駕還宮是歲省五原郡徙其吏人置河東復濟陽縣徭役六歲

二十一年春正月武威將軍劉尚破益州夷平之夏四月安定屬國胡叛屯聚青山遣將兵長史陳

訢討平之秋鮮卑寇遼東太守祭彤大破之冬十月遣伏波將軍馬援出塞擊烏桓不剋匈奴寇上谷中山其冬鄯善王車師王等十六國皆遣子入侍奉獻願請都護帝以中國初定未遑外事乃還其侍子厚加賞賜

二十二年春閏月丙戌幸長安祠高廟遂有事十一陵二月巳巳至自長安夏五月乙未晦日有蝕之秋七月司隸校尉蘇鄴下獄死九月戊辰地震裂制詔曰日者地震南陽尤甚夫地者任物至重

後漢書 卷二
靜而不動者也而今震裂咎在君上鬼神不順無
德災殃將及吏人朕甚懼焉其令南陽勿輸今年
田租芻藁遺謁者案行其死罪繫囚在戊辰以前
減死罪一等徒皆弛解鉗衣絲絮賜郡中居人壓
死者棺錢人三千其口賦逋稅而廬宅尤破壞者
勿收責吏人死亾或在壞垣毀屋之下而家羸弱
不能收拾者以見錢穀取傭為尋求之冬十月壬
子大司空朱浮免癸丑光祿勳杜林為大司空是
歲齊王章薨青州蝗匈奴莫鞬日逐王比遣使請

漁陽請和親使中郎將李茂報命烏桓擊破匈奴

匈奴北徙幕南地空詔罷諸邊郡亭候吏卒

二十三年春正月南郡蠻叛遣武威將軍劉尚討

破之徙其種人於江夏夏五月丁卯大司徒蔡茂

薨秋八月丙戌大司空杜林薨九月辛未陳留太

守王况為大司徒冬十月丙申太僕張純為太司

空高句驪率種人詣樂浪內屬十二月武陵蠻叛

寇掠郡縣遣劉尚討之戰於沅水尚軍敗歿是歲

匈奴莫鞬日逐王比率部曲遣使詣西河內附

二十四年春正月乙亥大赦天下匈奴莫鞬日逐
王比遣使款五原塞求扞禦北虜秋七月武陵蠻
寇臨沅遣謁者李嵩中山太守馬成討蠻不剋於
是伏波將軍馬援率四將軍討之詔有司申明舊
制阿附蕃王法冬十月匈奴莫鞬日逐王比自立
爲南單于於是分爲南北匈奴

二十五年春正月遼東徼外貊人寇右北平漁陽
上谷太原遼東太守祭彤招降之烏桓大人來朝
南單于遣使詣闕貢獻奉蕃稱臣又遣其左賢王

擊破北匈奴却地千餘里三月南單于遣子入侍
戊申晦日有食之伏波將軍馬援等破武陵蠻於
臨沅冬十月叛蠻悉降夫餘王遣使奉獻是歲烏
桓大人率衆內屬詣闕朝貢

二十六年春正月詔有司增百官奉其千石已上
減於西京舊制六百石已下增於舊秩初作壽陵
將作大匠竇融上言園陵廣袤無慮所用帝曰古
者帝王之葬皆陶人瓦器木車茅馬使後世之人
不知其處太宗識終始之義景帝能述遵孝道遭

後漢書 卷二
天下反覆而霸陵獨完受其福豈不美哉令所制地不過二三頃無爲山陵陂池裁令流水而已遣中郎將段郴授南單于璽綬令入居雲中始置使匈奴中郎將將兵衛護之南單于遣子入侍奉奏請闕於是雲中五原朔方北地定襄鴈門上谷代人郡民歸於本土遣謁者分將施刑補理城郭發遣邊民在中國者布還諸縣皆賜以裝錢轉輸給食

二十七年夏四月戊午大司徒王况薨五月丁丑

詔曰昔契作司徒禹作司空皆無大名其令二府去大又改大司馬爲太尉驃騎大將軍行大司馬劉隆卽日罷以太僕趙喜爲太尉大司農馮勤爲司徒益州郡徼外蠻夷率種人內屬北匈奴遣使詣武威乞和親冬魯王興齊王石始就國

二十八年春正月己巳徙魯王興爲北海王以魯國益東海王彊虎賁旄頭鍾虞之樂夏六月丁卯沛太后郭氏薨因詔郡縣捕王侯賓客坐死者數千人秋八月戊寅東海王彊沛王輔楚王英濟南

王康淮陽王延始就國冬十月癸酉詔死罪繫囚皆一切募下蠶室其女子宮北匈奴遣使貢獻乞和親

二十九年春二月丁巳朔日有食之遣使者舉冤獄出繫囚庚申賜天下男子爵人二級鰥寡孤獨篤癯貧不能自存者粟人五斛夏四月乙丑詔令天下繫囚自殊死已下及徒各減本罪一等其餘贖罪輸作各有差

三十年春正月鮮卑大人內屬朝賀二月東巡狩甲子幸魯進幸濟南閏月癸丑車駕還宮有星孛於紫宮夏四月戊子徙左翊王焉爲中山王五月大水賜天下男子爵人二級鰥寡孤獨篤癯貧不能自存者粟人五斛秋七月丁酉幸魯國復濟陽縣是年徭役冬十一月丁酉至自魯

三十一年夏五月大水戊辰賜天下男子爵人二級鰥寡孤獨篤癯貧不能自存者粟人六斛癸酉晦日有食之是夏蝗秋九月甲辰詔令死罪繫囚皆一切募下蠶室其女子宮是歲陳留雨穀形如

稗實北匈奴遣使奉獻

中元元年春正月東海王彊沛王輔楚王英濟南王康淮陽王延趙王盱皆來丁卯東巡狩二月己卯幸魯進幸太山北海王興齊王石朝于東嶽辛卯柴望岱宗登封太山甲午禪于梁父三月戊辰司空張純薨夏四月癸酉車駕還宮己卯大赦天下復嬴博梁父奉高勿出今年田租芻藁改年爲中元行幸長安戊子祀長陵五月乙丑至自長安六月辛卯太僕馮魴爲司空乙未司徒馮勤薨是

夏京師醴泉湧出飲之者痼疾皆愈惟眇蹇者不瘳又有赤草生於水崖郡國頻上甘露羣臣奏言地祇靈應而朱草萌生孝宣帝每有嘉瑞輒以改元神爵五鳳甘露黃龍列爲年紀蓋以感致神祇表彰德信是以化致升平稱爲中興今天下清寧靈物仍降陛下情存損挹推而不居豈可使祥符顯慶沒而無聞宜令太史撰集以傳來世帝不納常自謙無德每郡國所上輒抑而不當故史官罕得記焉秋郡國三蝗冬十月辛未司隸校尉東萊

李訢爲司徒甲申使司空告祠高廟曰高皇帝與羣臣約非劉氏不王呂太后賊害三趙專王呂氏賴社稷之靈祿產伏誅天命幾墜危朝更安呂太后不宜配食高廟同祧至尊薄太后母德慈仁孝文皇帝賢明臨國子孫賴福延祚至今其上薄太后尊號曰高皇后配食地祇遷呂太后廟主于園四時二祭十一月甲子晦日有食之是歲初起明堂靈臺辟雍及北郊兆域宣布圖讖於天下復濟陽南頓是年徭役參狼羌寇武都敗郡兵隴西太

守劉盱遣軍救之及武都郡兵討叛羌皆破之

二年春正月辛未初立北郊祀后土東夷倭奴國

王遣使奉獻二月戊戌帝崩於南宮前殿年六十

二遺詔曰朕無益百姓皆如孝文皇帝制度務從

約省刺史二千石長吏皆無離城郭無遣吏及因

郵奏初帝在兵間久厭武事且知天下疲耗思樂

息肩自隴蜀平後非倣急未嘗復言軍旅皇太子

嘗問攻戰之事帝曰昔衛靈公問陳孔子不對此

非爾所及每日視朝日側乃罷數引公卿郎將講

論經理夜分乃寐皇太子見帝勤勞不怠承間諫
曰陛下有禹湯之明而失黃老養性之福願願愛
精神優游自寧帝曰我自樂此不爲疲也雖身濟
大業兢兢如不及故能明慎政體總攬權綱量時
度力舉無過事退功臣而進文吏戢弓矢而散馬
牛雖道未方古斯亦止戈之武焉

論曰皇考補傳所未載南頓君初爲濟陽令以建平元年十二

月甲子夜生光武於縣舍有赤光照室中欽異焉
使卜者王長占之長辟左右曰此兆吉不可言是

歲縣界有嘉禾生一莖九穗因名光武曰秀明年
方士有夏賀良者上言哀帝云漢家歷運中衰當
再受命於是改號爲太初元年稱陳聖劉太平皇
帝以厭勝之及王莽篡位忌惡劉氏以錢文有金
刀故改爲貨泉或以貨泉字文爲白水真人後望
氣者蘇伯阿爲王莽使至南陽遙望見舂陵郭擘
曰氣佳哉鬱鬱蔥蔥然及始起兵還舂陵遠望舍
南火光赫然屬天有頃不見初道士西門君惠李
守等亦云劉秀當爲天子其王者受命信有符乎

不然何以乘時龍而御天哉

贊詞古雅

贊曰炎正中微大盜移國九縣飄回三精霧塞人
厭淫詐神思反德光武誕命靈貺自甄沈幾先物
深略緯文尋邑百萬貔虎為羣長轂雷野高鋒彗
雲英威既振新都自焚虔劉庸代紛紜梁趙三河
未澄四關重擾神旌乃顧遞行天討金湯失險車
書六道靈慶既啓人謀咸贊明明廟謨赳赳雄斷
於赫有命系隆我漢

范氏後漢書批評卷二 終

范氏後漢書批評卷三

江寧顧起元閱

明帝紀第二

詔令温厚典雅
有二代之風



顯宗孝明皇帝諱莊光武第四子也母陰皇后帝
生而豐下十歲能通春秋光武奇之建武十五年
封東海公十七年進爵為王十九年立為皇太子
師事博士桓榮學通尚書中元二年二月戊戌即

皇帝位年三十尊皇后曰皇太后三月丁卯葬光
武皇帝於原陵有司奏上尊廟曰世祖夏四月丙

辰詔曰予末小子奉承聖業夙夜震畏不敢荒寧
 先帝受命中興德侔帝王協和萬邦假於上下懷
 柔百神惠於鰥寡朕承大運繼體守文不知稼穡
 之艱難懼有廢失聖恩遺戒顧重天下以元元為
 首公卿百僚將何以輔朕不逮其賜天下男子爵
 人二級三老孝悌力田人三級爵過公乘得移與
 子若同產同產子及流人無名數欲自占者人一
 級鰥寡孤獨篤癯粟人十斛其施刑及郡國徒在
 中元元年四月己卯赦前所犯而後捕繫者悉免

其刑又邊人遭亂為內郡人妻在己卯赦前一切
 遣還邊恣其所樂中二千石下至黃綬貶秩贖論
 者悉皆復秩還贖方今上無天子下無方伯若涉
 淵水而無舟楫夫萬乘至重而壯者慮輕實賴有
 德左右小子高密侯禹元功之首東平王蒼寬博
 有謀並可以受六尺之託臨大節而不撓其以禹
 為太傅蒼為驃騎將軍太尉熹告謚南郊司徒訢
 奉安梓宮司空魴將校復土其封熹為節鄉侯訢
 為安鄉侯魴為揚邑侯秋九月燒當羌寇隴西敗

郡兵於允街赦隴西囚徒減罪一等勿收今年租
調又所發天水三千人亦復是歲更賊遣謁者張
鴻討叛羌於允吾鴻軍大敗戰歿冬十一月遣中
郎將竇固監捕虜將軍馬武等二將軍討燒當羌
十二月甲寅詔曰方春戒節人以耕桑其勅有司
務順時氣使無煩擾天下亾命殊死以下聽得贖
論死罪入縑二十匹右趾至髡鉗城旦春十匹完
城旦春至司寇作三匹其未發覺詔書到先自告
者半入贖今選舉不實邪佞未去權門請託殘吏
放手百姓愁怨情無告訴有司明奏罪名並正與
者又郡縣每因徵發輕爲姦利詭責羸弱先急下
貧其務在均平無令枉刻

永平元年春正月帝率公卿已下朝於原陵如元
會儀夏五月太傅鄧禹薨戊寅東海王彊薨遣司
空馮魴持節視喪事賜升龍旄頭鑿輅龍旂六月
乙卯葬東海恭王秋七月捕虜將軍馬武等與燒
當羌戰大破之募士卒戍隴右賜錢人三萬八月
戊子徙山陽王荆爲廣陵王遣就國是歲遼東太

守祭彤使鮮卑擊赤山烏桓大破之斬其渠帥越
舊姑復夷叛州郡討平之

二年春正月辛未宗祀光武皇帝於明堂帝及公
卿列侯始服冠冕衣裳玉佩絢屨以行事禮畢登
靈臺使尚書令持節詔驃騎將軍三公曰今令月
吉日宗祀光武皇帝於明堂以配五帝禮備法物
樂和八音詠祉福舞功德其班時令勅羣后事畢
升靈臺望元氣吹時律觀物變羣僚藩輔宗室子
孫衆郡奉計百蠻貢職烏桓歲貊咸來助祭單于

侍子骨都侯亦皆陪位斯固聖祖功德之所致也
朕以闇陋奉承大業親執圭璧恭祀天地仰惟先
帝受命中興撥亂反正以寧天下封泰山建明堂
立辟雍起靈臺恢弘大道被之八極而胤子無成
康之質羣臣無呂旦之謀盥洗進爵踧踖惟慙素
性頑鄙臨事益懼故君子坦蕩蕩小人長戚戚其
令天下自殊歿已下謀反大逆皆赦除之百僚師
尹其勉修厥職順行時令敬若昊天以綏兆人三
月臨辟雍初行大射禮秋九月沛王輔楚王英濟

南王康淮陽王延東海王政來朝冬十月壬子幸
辟雍初行養老禮詔曰光武皇帝建三朝之禮而
未及臨饗眇眇小子屬當聖業間暮春吉辰初行
大射令月元日復踐辟雍尊事三老兄事五更安
車輶輪供綏執授侯王設醬公卿饌珍朕親袒割
執爵而酌祝哽在前祝噎在後升歌鹿鳴下管新
宮八佾具脩萬舞於庭朕固薄德何以克當易陳
負乘詩刺彼已永念慙疚無忘厥心三老李躬年
耆學明五更桓榮授朕尚書詩曰無德不報無言

不酬其賜榮爵關內侯食邑五千戶三老五更皆
以二千石祿養終厥身其賜天下三老酒人一石
肉四十斤有司其存者耄恤幼孤惠鰥寡稱朕意
焉中山王焉始就國甲子西巡狩幸長安祠高廟
遂有事於十一陵歷覽館邑會郡縣吏勞賜作樂
十一月甲申遣使者以中牢祠蕭何霍光帝謁陵
園過式其墓進幸河東所過賜二千石令長已下
至於掾史各有差癸卯車駕還宮十二月護羌校
尉竇林下獄死是歲始迎氣於五郊少府陰就子

豐殺其妻酈邑公主就坐自殺

三年春正月癸巳詔曰朕奉郊祀登靈臺見史官正儀度夫春者歲之始也始得其正則三時有成比者水旱不節邊人食寡政失於上人受其咎有司其勉順時氣勸督農桑去其螟蟻以及蝥賊詳刑慎罰明察單辭夙夜匪懈以稱朕意二月甲寅太尉趙憙司徒李訢免丙辰左馮翊郭丹爲司徒已未南陽太守虞延爲太尉甲子立貴人馬氏爲皇后皇子烜爲皇太子賜天下男子爵人二級三

老孝悌力田人三級流人無名數欲占者人一級鰥寡孤獨篤癯貧不能自存者粟人五斛夏四月辛酉封皇子建爲千乘王羨爲廣平王六月丁卯有星孛于天船北秋八月戊辰改太樂爲太子樂壬申晦日有食之詔曰朕奉承祖業無有善政日月薄蝕彗孛見天水旱不節稼穡不成人無宿儲下生愁墊雖夙夜勤思而智能不逮昔楚莊無災以致戒懼魯哀禍大天不降譴今之動變儻尚可救有司勉思厥職以匡無德古者卿士獻詩百工

行漢書卷三十一
六
歲諫其言事者靡有所諱冬十月蒸祭光武廟初
奏文始五行武德之舞甲子車駕從皇太后幸章
陵觀舊廬十二月戊辰至自章陵是歲起北宮及
諸官府京師及郡國七大水

四年春二月辛亥詔曰朕親耕藉田以祈農事京
師冬無宿雪春不燠沐煩勞羣司積精禱求而比
再得時雨宿麥潤澤其賜公卿半奉有司勉遵時
政務平刑罰秋九月戊寅千乘王建薨冬十月乙
卯司徒郭丹司空馮魴免丙辰河南尹范遷爲司

徒太僕伏恭爲司空十二月陵鄉侯梁松下獄
五年春二月庚戌驃騎將軍東平王蒼罷歸藩琅
邪王京就國冬十月行幸鄴與趙王栩會鄴常山
三老言於帝曰上生於元氏願蒙優復詔曰豐沛
濟陽受命所由加恩報德適其宜也今永平之政
百姓怨結而吏人求復令人愧笑重逆此縣之拳
拳其復元氏縣田租更賦六歲勞賜縣掾史及門
闌走卒至自鄴十一月北匈奴寇五原十二月寇
雲中南單于擊却之是歲發遣邊人在內郡者賜

後漢書批評 卷三
裝錢人二萬

六年春正月沛王輔楚王英東平王蒼淮陽王延琅邪王京東海王政趙王盱北海王興齊王石來朝二月王雒山出寶鼎廬江太守獻之夏四月甲子詔曰昔禹收九牧之金鑄鼎以象物使人知神姦不逢惡氣遭德則興遷于商周周德既衰鼎乃淪亾祥瑞之降以應有德方今政化多僻何以致茲易曰鼎象三公豈公卿奉職得其理邪太常其以禘祭之日陳鼎於廟以備器用賜三公帛五十

匹九卿二千石半之先帝詔書禁人上事言聖而間者章奏頗多浮詞自今若有過稱虛譽尚書皆宜抑而不省示不爲諂子蚩也冬十月行幸魯祠東海恭王陵會沛王輔楚王英濟南王康東平王蒼淮南王延琅邪王京東海王政十二月還幸陽城遣使者祠中岳壬午車駕還宮東平王蒼琅邪王京從駕來朝皇太后

七年春正月癸卯皇太后陰氏崩二月庚申葬光烈皇后秋八月戊辰北海王興薨是歲北匈奴遣

使乞和親

八年春正月己卯司徒范遷薨三月辛卯太尉虞延爲司徒衛尉趙憺行太尉事遣越騎司馬鄭衆報使北匈奴初置度遼將軍屯五原曼柏秋郡國十四雨水冬十月北宮成丙子臨辟雍養三老五更禮畢詔三公募郡國中都官死罪繫囚減罪一等勿笞詣度遼將軍營屯朔方五原之邊縣妻子自隨便占著邊縣父母同產欲相代者悉聽之其大逆無道殊死者一切募下蠶室亡命者令贖罪

各有差凡徙者賜弓弩衣糧壬寅晦日有食之既詔曰朕以無德奉承大業而下貽人怨上動三光日食之變其災尤大春秋圖讖所謂至譴永思厥咎在予一人羣司勉修職事極言無諱於是在位者皆上封事各言得失帝覽章深自引咎乃以所上班示百官詔曰羣僚所言皆朕之過人寃不能理吏黠不能禁而輕用人力繕修宮宇出入無節喜怒過差昔應門失守關雎刺世飛蓬隨風微子所歎永覽前戒竦然競懼徒恐薄德久而致怠耳

北匈奴寇西河諸郡

九年春三月辛丑詔郡國死罪囚減罪與妻子詣五原朔方占著所在死者皆賜妻父若男同產一人復終身其妻無父兄獨有母者賜其母錢六萬又復其口算夏四月甲辰詔郡國以公田賜貧人各有差令司隸校尉部刺史歲上墨綬長吏視事三歲已上理狀尤異者各一人與計偕上及尤不政理者亦以聞是歲大有年爲四姓小侯開立學校置五經師

十年春二月廣陵王荆有罪自殺國除夏四月戊子詔曰昔歲五穀登衍今茲蠶麥善收其大赦天下方盛夏長養之時蕩滌宿惡以報農功百姓勉務桑稼以備災害吏修厥職無令愆惰閏月甲午南巡狩幸南陽祠章陵日北至又祠舊宅禮畢召校官弟子作雅樂奏鹿鳴帝自御塤箎和之以娛嘉賓還幸南頓勞饗三老官屬冬十月徵淮陽王延會平輿徵沛王輔會睢陽十二月甲午車駕還宮

十一年春正月沛王輔楚王 濟南王康東平王

蒼淮陽王延中山王焉琅邪王京東海王政來朝

秋七月司隸校尉郭霸下獄歿是歲漢湖出黃金

廬江太守以獻時麒麟白雉醴泉嘉禾所在出焉

十二年春正月益州徼外夷哀牢王相率內屬於

是置永昌郡罷益州西部都尉夏四月遣將作謁

者王吳修汴渠自滎陽至于千乘海口五月丙辰

賜天下男子爵人二級三老孝悌力田人三級流

民無名數欲占者人一級鰥寡孤獨篤癡貧無家

屬不能自存者粟人三斛詔曰昔曾閔奉親竭歡

致養仲尼葬子有棺無槨喪貴致哀禮存寧儉今

百姓送終之制競為奢靡生者無檐石之儲而財

力盡於墳土伏臘無糟糠而牲牢兼於一奠糜破

積世之業以供終朝之費子孫饑寒絕命於此豈

祖考之意哉又車服制度恣極耳目田荒不耕游

食者眾有司其申明科禁宜於今者宣下郡國秋

七月乙亥司空伏恭罷乙未大司農牟融為司空

冬十月司隸校尉王康下獄歿是歲天下安平人

無徭役歲比登稔百姓殷富粟斛三十牛羊被野
十三年春二月帝耕於藉田禮畢賜觀者食三月
河南尹薛昭下獄歿夏四月汴渠成辛巳行幸滎
陽巡行河渠乙酉詔曰自汴渠決敗六十餘歲加
頃年以來雨水不時汴流東侵日月益甚水門故
處皆在河中漭濘廣溢莫測圻岸蕩蕩極望不知
綱紀今兗豫之人多被水患乃云縣官不先人急
好興它役又或以爲河流入汴幽冀蒙利故曰左
隄疆則右隄傷左右俱疆則下方傷宜任水執所

之使人自是確論隨高而處公家息壅塞之費百姓無陷溺
之患議者不同南北異論朕不知所從久而不決
今旣築隄理渠絕水立門河汴分流復其舊迹陶
丘之北漸就壤墳故薦嘉玉絜牲以禮河神東過
洛汭歎禹之績今五土之宜反其正色濱渠下田
賦與貧人無令豪右得固其利庶繼世宗瓠子之
作因遂度河登太行進幸上黨壬寅車駕還宮冬
十月壬辰晦日有食之三公免冠自劾制曰冠履
勿劾災異屢見咎在朕躬憂懼遑遑未知其方將

有司陳事多所隱諱使君上壅蔽下有不便乎昔
衛有忠臣靈公得守其位今何以和穆陰陽消伏
災譴刺史太守詳刑理冤存恤鰥孤勉思職焉十
一月楚王英謀反廢國除遷於涇縣所連及死徒
者數十人是歲齊王石夢

十四年春三月甲戌司徒虞延免自殺夏四月丁
巳鉅鹿太守南陽邢穆為司徒前楚王英自殺夏
五月封故廣陵王荆子元壽為廣陵侯初作壽陵
十五年春二月庚子東巡狩辛丑幸偃師詔亾命

自殊死以下贖死罪與初即位詔同第此四十四匹右趾至髡鉗城旦

春十匹完城旦至司寇作五匹犯罪未發覺詔書
到日自告者半入贖徵沛王輔會睢陽進幸彭城
癸亥帝耕于下邳三月徵琅邪王京會良成徵東
平王蒼會陽都又徵廣陵侯及其三弟會魯祠東
海恭王陵還幸孔子宅祠仲尼及七十二弟子親
御講堂命皇太子諸王說經又幸東平辛卯進幸
大梁至定陶祠定陶恭王陵夏四月庚子車駕還
宮改信都為樂成國臨淮為下邳國封皇子恭為

鉅鹿王黨為樂成王衍為下邳王暢為汝南王昞
 為常山王長為濟陰王賜天下男子爵郎二級郎
 從官二十歲已上帛百匹十歲已上二十匹十歲
 已下十匹官府吏五匹書佐小史三匹今天下大
 酺五日乙巳大赦天下其謀反大逆及諸不應宥
 者皆赦除之冬車騎校獵上林苑十二月遣奉車
 都尉竇固駙馬都尉耿秉屯涼州

十六年春二月遣太僕祭彤出高闕奉車都尉竇
 固出酒泉駙馬都尉耿秉出居延駙馬都尉來苗

出平城伐北匈奴竇固破呼衍王於天山留兵屯
 伊吾盧城耿秉來苗祭彤並無功而還夏五月淮
 陽王延謀反發覺癸丑司徒刑穆駙馬都尉韓光
 坐事下獄死所連及誅死者甚眾戊午晦日有食
 之六月丙寅大司農西河王敏為司徒秋七月淮
 陽王延徙封阜陵王九月丁卯詔令郡國中都官
 死罪繫囚減死罪一等勿笞詣軍營屯朔方敦煌
 妻子自隨父母同產欲求從者恣聽之女子嫁為
 人妻勿與俱謀反大逆無道不用此書是歲北匈

奴寇雲中雲中太守廉范擊破之

十七年春正月甘露降於甘陵北海王睦薨二月
乙巳司徒王敏薨三月癸丑汝南太守鮑昱爲司
徒是歲甘露仍降樹枝內附芝草生殿前神雀五
色翔集京師西南夷哀牢儋耳僬僂槃木白狼動
黏諸種前後慕義貢獻西域諸國遣子入侍夏五
月戊子公卿百官以帝威德懷遠祥物顯應乃並
集朝堂奉觴上壽制曰天生神物以應王者遠人
慕化寶由有德朕以虛薄何以享斯唯高祖光武

聖德所被不敢有辭其敬舉觴太常擇吉日策告
宗廟其賜天下男子爵人二級三老孝悌力田人
三級流人無名數欲占者人一級鰥寡孤獨篤癯
貧不能自存者粟人三斛郎從官視事十歲以上
者帛十匹中二千石二千石下至黃綬貶秩奉贖
在去年以來皆還贖秋八月丙寅令武威張掖酒
泉敦煌及張掖屬國繫四右趾已下任兵者皆一
切勿治其罪詣軍營冬十一月遣奉車都尉竇固
駙馬都尉耿秉騎都尉劉張出敦煌昆侖塞擊破

白山虜於蒲類海上遂入車師初置西域都護戊
巳校尉是歲改天水爲漢陽郡

亦同前詔

十八年春三月丁亥詔曰其令天下亾命自殊歿
巳下贖死罪縑三十匹右趾至髡鉗城旦春十匹
完城旦至司寇作五匹吏人犯罪未發覺詔書到
自告者半入贖夏四月巳未詔曰自春以來時雨
不降宿麥傷旱秋種未下政失厥中憂懼而已其
賜天下男子爵人二級及流民無名數欲占者人
一級鰥寡孤獨篤癯貧不能自存者粟人三斛理

冤獄錄輕繫二千石分禱五嶽四瀆郡界有名山

大川能興雲致雨者長吏各絜齋禱請冀蒙嘉澍

六月巳未有星孛於太微焉者龜茲攻西域都護

陳睦悉沒其衆北匈奴及車師後王圍戊巳校尉

耿恭秋八月壬子帝崩於東宮前殿年四十八遺

詔無起寢廟藏主於光烈皇后更衣別室帝初作

壽陵制令流水而已石槨廣一丈二尺長二丈五

尺無得起墳萬年之後埽地而祭杆水脯糒而已

過百日唯四時設奠置吏卒數人供給灑掃勿開

後漢書批評卷三
修道敢有所興作者以擅議宗廟法從事帝遵奉
建武制度無敢違者後宮之家不得封侯與政館
陶公主爲子求郎不許而賜錢千萬謂羣臣曰郎
官上應列宿出宰百里苟非其人則民受其殃是
以難之故吏稱其官民安其業遠近肅服戶口滋
殖焉

論曰明帝善刑理法令分明日晏坐朝幽枉必達
內外無倖曲之私在上無矜大之色斷獄得情號
居前代十二故後之言事者莫不先建武永平之
政而鍾離意宋均之徒常以察慧爲言夫豈弘人
之度未優乎

贊曰顯宗丕承業業兢兢危心恭德政察姦勝備
章朝物省薄墳陵永懷廢典下身遵道登臺觀雲
臨雍拜老懋惟帝績增允文考

後漢書批評卷三

終

國乘其法德非帝制也

事歸於官商賈則不歸於典

實曰賜宗不亦業業

以朱受平

近而歸德意未改之新常以

